

ANNI 100 JAHRE
ONNS

BÜNDNER
KUNSTMUSEUM
CHUR

MUSEUM D'ART
DAL GRISCHUN
CUIRA

MUSEO D'ARTE
DEI GRIGIONI
COIRA



Amt für Kultur
Uffizi da cultura
Ufficio della cultura

Communicaziun a las medias
Cuira, ils 24 da schaner 2019

Program da giubileum 2019 100 onns Museum d'art dal Grischun Cuira

Il Museum d'art dal Grischun deriva da la fundaziun da l'Uniun grischuna d'art che ha la finamira da promover l'art en il Grischun. La collecziun ha retschet spazi en la Villa Planta en il 1919. Dapi alura serva ella er sco museum.

Las pretensiuns èn sa midadas in pau a la giada: la collecziun è s'augmentada cuntinuadamain, las exposiziuns temporaras èn vegnidas da pli en pli impurtantas e las pretensiuns al museum sco instituziun publica en creschidas constantamain.


Il Museum d'art dal Grischun, l'Uniun grischuna d'art e la fundaziun Collecziun grischuna d'art sa legran ozendi da guardar enavos sin in'istorgia animada e da porscher en il museum engrondi in program interessant dapi 2016. Quai include la preschentaziun attractiva da la collecziun, exposiziuns multifaras ed ina ritga offerta da visitas guidadas e dad eveniments. Il giubileum duai sa manifestar sin tut ils nivels. Nus vulain celebrar il Museum d'art dal Grischun sco lieu per inscuters d'art plain vita.

Durant las exposiziuns vegn purschi in attractiv program accumpagnant cun numerusas occurrenzas spezialas. Infurmaziuns detagliadas chattais Vus avant che l'exposiziun avra sias portas sin buendner-kunstmuseum.ch.

Contact per las medias

Museum d'art dal Grischun
Stephan Kunz
co-directur
+41 81 257 28 70
stephan.kunz@bkm.gr.ch

Museum d'art dal Grischun
dr. Nicole Seeberger
co-directura
+41 81 257 28 70
nicole.seeberger@bkm.gr.ch



Amt für Kultur
Uffizi da cultura
Ufficio della cultura

BÜNDNER
KUNSTMUSEUM
CHUR

MUSEUM D'ART
DAL GRISCHUN
CUIRA

MUSEO D'ARTE
DEI GRIGIONI
COIRA

Martin Disler

Ils conturns da la charezza

dals 16 da favrer fin ils 26 da matg 2019

L'artist soloturnais Martin Disler (1949–1996) ha malegià il purtret d'ina lunghezza da 140 m e d'ina autezza da 4,40 m en il Württembergischer Kunstverein Stuttgart en in'acziun unica durant mo quatter notgs: mintga notg in purtret d'ina lunghezza da 35 meters! Quest maletg monumental è l'ovra la pli legendara da Martin Disler. Svelt è l'ovra daventada enconuschenta e cun el ses creader. Dapi ils onns 1980 è il maletg en in deposit. L'onn 2007 ha la fundaziun Gottfried Keller acquistà il maletg e mussà uschia che questa ovra singulara è d'impurtanza naziunala. La preschentaziun dal maletg en il museum d'art dal Grischun vegn spetgada cun gronda tensiun.

Flurin Bisig

A l'ur dal senn

dals 16 da mars fin ils 18 d'avust 2019


Flurin Bisig (*1982) s'orientescha en sia ovra als constructivists, integrescha però er bleras influenzas da l'art dal temp modern e da l'architectura. En il museum d'art dal Grischun mussa el objects da tola ondulada ch'el ha fatg aposta per l'exposiziun e ch'el oppona a sculpturas da lain e da marmel. Ils divers materials premettan modas e manieras da lavurar ch'èn differentas ed uschia in auter tractament da la sculptura e dal spazi. Questa tensiun è il punct da partenza da l'exposiziun. Sper la lavur sculpturala ha Flurin Bisig sviluppà durant blers onns in complex d'ovras da lavurs da palpieri da color ch'el numna faudaziuns. Las serias che tiran endament disegns e ch'èn per gronda part enramadas, èn in transferiment dal pensar sculptural en ina furma bidimensiunala.

TRANSVERSAL

Cuntradas ord la collecziun

dals 16 da mars fin ils 24 da november 2019

L'accent da la collecziun dal museum d'art dal Grischun è mess sin l'art svizzer che ha in connex cun il chantun Grischun, dapi in pèr onns er sin l'art contemporan internaziunal che ha in connex cun il chantun muntagnard. Da quai fa part la cuntrada da muntogna da medema maniera sco l'alternanza tranter emigraziun e turissem. Las muntognas èn lieus dal mitus, ma er da la conquista. Cur ch'ils Anglais èn viaggiads tras l'Europa sin lur «grand tour», han els scuvert las Alps sco lieu spectacular per lur aventuras. L'identitad odierna dal territori alpin è caracterisada decisivamain da questa vista nà da dadora. En la preschentaziun da la collecziun TRANSVERSAL vengnan tematisads – ensemen cun ina selecziun d'emprests – differents aspects d'illustraziuns da cuntradas.



ANNI 100 JAHRE
SNNO



Amt für Kultur
Uffizi da cultura
Ufficio della cultura

BÜNDNER
KUNSTMUSEUM
CHUR

MUSEUM D'ART
DAL GRISCHUN
CUIRA

MUSEO D'ARTE
DEI GRIGIONI
COIRA

**Ord la profunditad dal temp
Art en il Grischun avant 1530
dals 14 d'avrigl fin ils 15 da settember 2019**


La tgina dal museum d'art dal Grischun sa chatta en la Villa Planta. L'onn 1919 è ella vegnida transformada en in museum. Per il giubileum da 100 onns na drizza il museum d'art l'egliada betg sin ils ultims tschient onns, mabain sin bains culturals dal Grischun ch'èn vegnids stgaffids avant l'onn 1530 (avant la Refurmaziun). Uschia vegn dada ina dimensiun istorica a la lavur artistica en quest chantun. Per il project avain nus gudagnà l'architect Peter Zumthor. Mussads na vegnan betg mo objects originals, mabain maletgs contemporans dal fotograf Florio Puentner. Cun ils eglis dad oz guardain nus sin ina gronda tradiziun artistica.

**Passiun
Maletgs da chatscha
dals 22 da zercladur fin ils 27 d'october 2019**

Schebain che la chatscha en il Grischun è quasi ina spezia da fatg social total, n'ha il museum d'art dal Grischun Cuir anc mai tractà explicitamain quest tema. Er sche l'exposiziun è enragischada localmain, va ella lunsch sur il Grischun ora. Ella sa chapescha sco reflexiun d'in tema ch'è s'exprimì artisticamain en ina moda spezialmain ritga, e mussa ovras d'artistas e d'artists internaziunals dal temp medieval tardiv fin al temp dad oz. Ella tematisescha la surstructura mitologica dad Artemis e Diana fin al songt Hubertus. Ella fastizescha las parts cuminaivlas d'Eros e da Thanatos, mussa la chatscha sco tribuna da la pussanza, illustrescha l'impurtanza da trofeas, tschentta la dumonda da la cuntrada selvadia sco lieu dal desideri e dal giavisch da "vacanzas da l'esser uman" exequind in'activitad, en la quala "il misteri da la mort sa multiplitgescha cun il misteri da l'animal" (Ortega y Gasset).

**Andriu Deplazes
Premi d'art Manor 2019
dals 14 da settember 2019 fin ils 12 da schaner 2020**

Andriu Deplazes (*1993) fa maletgs figurativs en ieli sin taila da glin. L'uman e la natira èn ils unics motifs. Tecnicamain exequids en moda classica èn ils maletgs expressivs plains da colorits psichedelics. En questas cuntradas imaginaras n'han chaussas fatgas da l'uman nagina plazza. Ils corps dals umans sa mussan per quai en proporziuns singularmain bizarras, sco capslas, senza chavels e na possedan naginas cleras caracteristicas sexualas. La natira sco tala pictura Deplazes en moda refusanta sco deserts, sco cuntradas da pali u sco gauds selvadis che traguttan tut. Il foss tranter l'uman e la natira sa spalanca e l'alienaziun che resulta siglia directamain a dies a la contempladra u al contemplader.



Amt für Kultur
Uffizi da cultura
Ufficio della cultura

BÜNDNER
KUNSTMUSEUM
CHUR

MUSEUM D'ART
DAL GRISCHUN
CUIRA

MUSEO D'ARTE
DEI GRIGIONI
COIRA

**Exposiziun annuala
da las artistas e dals artists grischuns
24 da november 2019 fin ils 12 da schaner 2020**

Per finir il program d'exposiziun 2019 preschenta il Museum d'art dal Grischun Cuira l'exposiziun annuala da las artistas e dals artists grischuns. L'exposiziun annuala permetta ina survista da l'operar actual da las artistas e dals artists grischuns contemporans. Sa participar a l'exposiziun pon artistas ed artists che han il dretg da burgais dal Grischun u ch'èn creschids si en il Grischun sco er tuttas e tuts che han dapi almain in onn in domicil fix en il Grischun.